



GRADONAČELNIK

Broj: 07-834/26

Datum: 21.04.2026.godine

Gradonačelnik na osnovu člana 70. stav (1) i (3) Zakona o javnim nabavkama ("Službeni glasnik BiH", broj: 39/14, 59/22 i 50/24), Budžeta Grada Srebrenik za 2026.godinu („Službeni glasnik grada Srebrenik“, broj: 1/26), članova 37. i 139. Statuta Grada Srebrenik ("Službeni glasnik Grada Srebrenik", broj: 1/24), člana 33. Stav (1), (3) i (4) te člana 34. Pravilnika o javnim nabavkama Grada Srebrenik ("Službeni glasnik Grada Srebrenik", broj: 7/25), a na preporuku Komisije za javnu nabavku (dalje: Komisija) po Zapisniku o pregledu i ocjeni ponuda (dalje: Zapisnik) broj: 07-834/26 od 20.04.2026. godine za javnu nabavku izvođenja radova na sanaciji obale rijeke Tinje u MZ Bjelave faza II – grad Srebrenik, d o n o s i:

ODLUKU O IZBORU PONUĐAČA

I

Prihvata se preporuka Komisije, po Zapisniku broj: 07-834/26 od 20.04.2026. godine te se Ugovor za **javnu nabavku izvođenja radova na sanaciji obale rijeke Tinje u MZ Bjelave faza II – grad Srebrenik** u ukupnom iznosu od **213.670,20 KM (cijena bez uračunatog PDV-a)**, odnosno u iznosu od **249.994,13 KM (cijena sa uračunatim PDV-om)** dodjeljuje ponuđaču „**JATA GROUP**“ d.o.o. Srebrenik, u skladu sa ponudom broj: 01-44/26 od 14.04.2026. godine.

II

Izabrani ponuđač iz člana I ove Odluke, dužan je u roku od 7 dana od dana prijema iste, dostaviti dokaze po članu 45. stav (2) Zakona o javnim nabavkama iz tačke 3.1. Tenderske dokumentacije. Dokazi koje dostavlja izabrani ponuđač ne mogu biti stariji od tri mjeseca, računajući od dana dostavljanja ponude.

III

Ova odluka objavit će se na web-stranici www.srebrenik.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.



O B R A Z L O Ž E N J E

Odlukom o pokretanju postupka za javnu nabavku izvođenja radova na sanaciji obale rijeke Tinje u MZ Bjelave faza II – grad Srebrenik, broj: 07-834/26 od 19.03.2026. godine, pokrenut je postupak nabavke predmetnih radova. Javna nabavka je provedena putem otvorenog postupka, a kriterij za dodjelu ugovora je najniža cijena.

Ukupna procijenjena vrijednost nabavke iznosi 213.675,00 KM (bez PDV-ea).

Obavještenje o nabavci predmetnih radova objavljeno je na Portalu javnih nabavki dana 24.03.2026. godine pod brojem: 761-1-3-30-3-53/26 i sažetak obavještenja o nabavci, objavljen u „Službenom glasniku BiH“ broj: 23/26 dana 27.03.2026. godine. Tenderska dokumentacija objavljena je zajedno sa navedenim obavještenjem.

U krajnjem roku za dostavu ponuda, dostavljene su ponude sljedećih ponuđača:

1. „JATA GROUP“ d.o.o. Srebrenik, broj ponude: 01-44/26 od 14.04.2026. godine u iznosu od 213.670,19 KM (cijena bez PDV-a)
2. „DEN ALM COMPANY“ d.o.o. Lukavac, broj ponude: P-10-04/26 od 10.04.2026. godine u iznosu od 213.411,22 KM (cijena bez PDV-a)

Uvidom u dostavljenu ponudu ponuđača „JATA GROUP“ d.o.o. Srebrenik, Komisija je uočila računsku grešku u dijelu zemljani radovi, odjeljak ukupno iznosi 89.538,68 KM a ne 89.538,67 KM, što je rezultiralo da ukupna vrijednost ponude bez PDV-a iznosi 213.670,20 KM bez PDV-a. Povodom navedenog, Komisija je uputila ponuđaču Saglasnost za ispravku računске greške broj: 07-834/26 od 17.04.2026. godine, a imenovani ponuđač je dostavio Potvrdu ispravke računске greške broj: 01-853/26 od 17.04.2026. godine.

Uvidom u dostavljenu ponudu ponuđača „DEN ALM COMPANY“ d.o.o. Lukavac Komisija je konstatovala da u Predmjeru i predračunu radova (str. 59 Ponude) ponuđač nije upisao jediničnu cijenu za stavke 3.3. Nabavka, transport i ugradnja betona C30/37, XC4, XM2, FX3, VDP-2 u dvostranoj oplati za betonirani itd. i 3.4. Nabavka, izrada i montaža armature za izgradnju AB elemenata regulacije a sve prema armaturnim nacrtima itd. Ponuđač je u konkretnom slučaju upisao samo ukupnu cijenu što nije u skladu sa tačkom 6.6. Obrazac za cijenu ponude iz priloga III čiji je sastavni dio i Predmjer i predračun radova i to: „U slučaju da ponuđač propusti popuniti obrazac u skladu sa postavljenim zahtjevima, za sve stavke koje su navedene, njegova ponuda će biti odbacena“, te sa članom 17. stav (5) Upustva za pripremu modela tenderske dokumentacije i ponuda („Službeni glasnik BiH“ broj: 20/15) i to: „Jedinična cijena stavke se ne smatra računskom greškom, odnosno ne može se ispravljati.“

Zbog navedenog nedostatka ponuda ponuđača „DEN ALM COMPANY“ d.o.o. Lukavac ocjenjena je kao **nepravilna, jer nije u skladu s tenderskom dokumentacijom**, u vezi sa članom 2 stav (1) tačka 1) alineja 3) Zakona o javnim nabavkama, te se kao takva **odbacila**.

Komisija je konstatovala da je ponuda ponuđača „JATA GROUP“ d.o.o. Srebrenik



za javnu nabavku izvođenja radova na sanaciji obale rijeke Tinje u MZ Bjelave faza II – grad Srebrenik u iznosu od 213.670,20 KM (cijena bez uračunatog PDV-a), odnosno u iznosu od 249.994,13 KM (cijena sa uračunatim PDV-om) ocijenjena kao prihvatljiva pa je predložila i Gradonačelniku prihvatanje ponude, a shodno članu 70. Zakona donošenje Odluke o izboru ponuđača „JATA GROUP“ d.o.o. Srebrenik za predmetne radove, te po ispunjenju uslova zaključenje ugovora u naprijed navedenom iznosu sa imenovanim ponuđačem.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Prilikom donošenja ove Odluke posebno su cijenjenje činjenice da je Komisija pravilno i potpuno izvršila ocjenu kvalifikovanosti ponuđača i ocjenu prispjele ponude izvršila u skladu sa kriterijima iz tenderske dokumentacije, Zakonom o javnim nabavkama i podzakonskim aktima.

Iz navedenih razloga, uzimajući u obzir i primjenjujući iznad istaknute članove pozitivne zakonske regulative iz oblasti javnih nabavki odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članovima 97., 99. i 101. Zakona o javnim nabavkama. Žalba se podnosi u dovoljnom broju primjeraka, a koji ne može biti manji od tri.

Dostavljeno:

1. Ponuđaču 2x,
2. Službi za poduzetništvo, lokalni razvoj i investicije
3. Evidenciji
4. Budžetu
5. Arhivi

GRADONAČELNIK
Adnan Bjelić

